

摘藻堂四庫全書薈要

史部

欽定四庫全書小會要

史部

硃批諭旨卷一百二十六之二

詳校官編修臣繆晉

欽定四庫全書薈要卷八千四十一

史部

硃批諭旨卷一百二十六之二

硃批田文鏡奏摺

雍正二年八月初八日河南布政使臣田文鏡謹

奏為據實密陳仰祈

聖鑒事雍正二年七月二十五日

欽差審事大臣到豫臣隨撫臣出郭迎接恭請

原係迂腐人然猶不失正氣

聖安茲查審理各犯之時吏部右侍郎臣沈近思初有



沽名袒護之意幸諸事俱係公阿爾松阿主持且

見王遜等供認確鑿知其中情節難寬亦不能袒

伊安

能為之寬縱

護聞到底有些寬縱之意所有各犯口詞臣探知

要略謹另繕簡摺具

奏至此案作何定擬

題結因事甚秘密無從得實不敢冒昧具陳但臣查

豫省大吏有不得不據實奏

於阿爾松阿臨行時朕已降有密諭張廷璐不能脫然  
聞者如學臣張廷璐諸事沽名欲做好人竝不肯秉公

事外

執法凡遇劣衿抗糧生事每多庇護今王遜等一

案挾官罷考情狀極其可惡而學臣始終亦無一

言嚴飭止將匿名呈狀批發開歸道查覆并令代

為勸諭考試而該道陳時夏奉批承審亦竟不坐

可謂

大笑談書生輩慣作如是愚騃舉動將此以博虛

譽足

見襟懷狹隘許多板凳俱令同坐稱為年兄央其赴考臣查例

載審理事件即舉人進士尚不許坐質何況秀才

乃陳時夏如此優待不特全無監司之體抑且殊

加此

一番優待正所以王遜等不復知有法紀俱各昂

有

乃過

然而去按察使臣張保審理刑名甚是明白竝無於小心中無識見之故錯誤獨將罷考一事置若罔聞當六月十九日據

開封府稟請作何施行回稱我只管人命盜案餘事非我職掌等語臣查臬司一官有查拏勢豪光棍之責而於此等事如是畏縮所謂風憲者安在耶再臣伏查撫司各衙門自火耗提解之後府州縣至省尚有門包規矩之費臣到任半月餘訪知

積弊因將各衙門陋規一槩通行革除凡接見各

屬即嚴飭毋許因循舊習目今不特州縣不肯再

私怨

私恨奚足介意

給即各衙門人役亦不敢再要所以無人不怨臣

上蒼自

有鑒照秉公持正放膽為之

恨臣然臣竊思諸臣俱蒙

皇上深恩分宜一體實心辦事竭力報效始不負

聖主任使之至意況豫省積年以來上偷下慢廢弛已

極尤當急為整頓剔弊除姦愛養百姓原非臣一

人所能挽回所可盡更者也其如諸臣俱欲沽名

罷考

一事若果如爾

所奏

借以扶持

官府則刁風甚不

可長

邀譽各做好人

泄泄沓沓竝不肯明目張膽振肅

紀綱共勦

盛治臣聞生童云宗師甚寬按察使安靜陳守道是好

可長

紀綱共勦

盛治臣聞生童云宗師甚寬按察使安靜陳守道是好

人之稱殊不知諸臣獲有虛名一切苟且實悞大

事若再因循數載將見流弊所極更難整理臣蒙

皇上隆恩至深至渥自斷不肯一息偷安隨俗苟且然

果能

任怨任過真實為國家竭力報效何危之有

而任怨任過勢甚孤危幸逢

而任怨任過勢甚孤危幸逢

皇上至聖至明無微不照此臣之所以捐棄身家不避



立志

堅定自所能為第莫中道改移此心此行

嫌怨日夕靡寧亟思圖報而猶恐未能者也臣再

孫蘭

芬原屬實心効力好員第稍覺性急

查罷考一案只有開封府知府孫蘭芬實心任事

因將各犯盡皆弋獲否則雖不致俱各遠颺亦斷不能緝獲整齊其感激自奮之處理合一併奏

聞統祈

聖鑒謹

奏

覽奏朕甚嘉之諸凡自有制度聽旨可也

同日又

奏為遵

旨覆奏仰祈

聖鑒事雍正二年七月二十一日臣齎摺家人回豫恭

捧

皇上硃批諭旨到臣臣跪誦之下不覺感激涕零悚惶

無地至臣前

奏豫省各屬所生蝗蝻臣時刻留心晝夜督催不遺

餘力并嚴飭各屬多帶人夫上緊撲捕隨生隨即撲滅實無損傷田禾之處只有懷慶府屬之河內修武武陟三縣內有數村逼近太行飛蝗自山而至據委捕之懷慶府通判高士鏞稟稱數村田禾幾塊地內畧有損傷隨嚴飭該府作速查驗督捕據報蝗已盡滅數村田禾計實損傷無百分之一竝不成災等語今蒙

皇上敕諭理合據實奏

聞再查今歲豫省秋汛自七月十七日河水長起至二十七日水勢甚大祥符縣之老劉家店暨時和驛步李寨張家灣青佛寺一覽臺等處大堤外之民堤水與堤頂相平民堤被水浸透以致大堤根下亦皆有水而鄭州藍家屯等處河水竟長與大堤堤頂相離不過數寸勢甚危險幸荷

皇上天恩不惜百萬金錢加工預為堅築竝

特設副總河董司其事復添河廳河員暨武弁目兵分

修防護又蒙

聖恩敕建

金龍神祠

特頒寶旛扁額用光廟貌因而至誠上格河伯著靈於  
二十八日水勢停止日漸退縮仍歸故道堤根復  
出其餘各堤俱獲平安不特沿河百姓歡呼雷動  
感頌

天恩即八郡一州之民亦莫不仰戴

洪慈共歌

聖德現今各處堤工仍照前日夜在工用力修築可保

無虞安如磐石無煩

今歲通計直省收穫情形即不書大有亦可謂豐稔之

聖慮至於民堤內田禾如高糧穀黍俱已收穫其未收

年豫省近河民田若不至成災因屬盡美但收獲因欲避

微省竟置窮黎於不問更宜加意撫恤應予賑濟者查

明奏聞朕如直隸一例降旨加恩也密之

題如不成災飭令各屬查有實在窮民加意撫恤毋致失所理合一併繕摺奏

聞伏乞

睿鑒謹

奏

覽奏朕懷深慰誠屬可喜可慶之事也

同日又

奏為據實奏

聞仰祈

聖鑒事雍正二年八月初五日據撫臣石文焯河臣嵇

曾筠將河工免調州縣之會稿各發與臣閱看臣  
查

奏稿內開沿河十四州縣離工甚近往返料理勢易  
兼顧況募夫辦料之外又有河汛各員協力幫修  
本地方刑名錢穀諸事自可依限完結不致遲誤  
嗣後非猝遇危險緊工若附近印官免其調遣永  
以為例可也但臣伏思

朝廷設官分職各有專司河員專理河務州縣專理



庶政原毋容牽扯混雜況現奉

皇上軫念河工關係民生休戚

特設副總河董司其事又添設河道河員暨武弁目兵  
分修防護而辦料雇夫又動用正項錢糧按時給  
發況今歲大工一過嗣後不過年年歲修搶修而  
已更不必再責之州縣為之經營調度也乃不謂  
豫省之河工辦料雇夫以及承修興築俱屬州縣  
而河廳河員反不過從中文驗往來稽查至於三

年保固無虞河員得以循例議敘州縣則又置之局外倘一有疎失河員固不能免過州縣亦并干嚴處是利則河員獨享害則州縣共被在州縣亦何樂有此河員也且臣查州縣之在河工不特河廳各員得以借查丈堤工名色魚肉州縣即一切管河州同縣丞等官亦無不向州縣需索至於辦置物料運赴河工必須講究然後秤收所以年來州縣無不因河工賠累致虧庫項今河臣嵇曾筠

會稿內辦料募夫其意仍欲責之州縣夫州縣之不能越境辦募者其勢也既不能越境辦募自不得不按照地畝門頭派之里下一經攤派其中便有蠹役土棍或受賄那易李代桃殭或勒價包攬以一科十州縣雖甚廉明亦不能逐細查察而官民已不勝其累矣臣再查會稿內附近印官免其調遣沿河十四州縣離工甚近仍令其往返料理但臣查通省州縣俱屬臣工若僅責之十四州縣

是臨河者有河工之累不臨河者獲安享之利實屬偏枯且從前臨河州縣即調赴河工猶屬僅奉河臣之令今若一經

題定較之往昔更難移動而河廳河員愈可肆其欺陵需索甚非計之得者也況今歲年登大有物料價值自平現今多有百姓各自運赴河工售賣亦甚易得而夫役一項又當農隙之時更易雇募臣查目下鄭州等處俱係自雇人夫竝不派之里下

若乘此時多買物料廣募人夫分任河員用力堅  
築便屬一勞永逸州縣似可概行免調以免苦累  
臣雖將情節已與撫臣面言但改

奏與否則事由河臣暨撫臣主持臣自不敢擅叅末  
議緣身受

聖主隆恩至深至渥今日擊其中利弊不敢不據實預  
為奏

聞伏乞

聖鑒謹

奏

此奏揆情度理而論固屬允當但慮河工萬一有事地方官以為於己無涉任呼不應脫致貽誤耳朕意或仍令幫助一兩年然後專責河員因此躊躇未決候發廷臣議覆到日再定

同日又

奏為欽奉

上諭事雍正二年七月二十日撫臣石文焯傳臣至署  
捧出撫臣所

奏豫省捐納貢監以穀改銀奏摺一扣恭謝

天恩奏摺一扣內奉

皇上硃批諭旨俱令臣知臣看臣跪接拜誦逐字細繹  
仰見我

皇上至聖至明無微不照不特撫臣慚愧無地即臣亦  
悚惕靡寧矣但臣伏查捐納一事於七月初三日

撫臣曾與臣商酌臣以為目下穀價雖賤若改收銀兩投納司庫又是一番更張日後即按時價給發州縣採買從中便有不肖各官扣剋累民之處不如照依赴部捐納之數議加穀石方於國計民生兩有裨益乃撫臣執意

奏請改捐殊覺轉移失術自難逃於

聖明洞鑒今撫臣亦無可置辯惟有欽遵

訓旨并悔不聽臣言而已今現在酌議加捐穀石俟各



府議覆到日詳請撫臣具

題第念臣何人斯乃蒙

聖恩委任迥異等倫即撫臣

奏謝二摺亦令臣知臣看不覺愈增悚懼罔知所報  
惟有一切秉公振綱肅紀俾地方大小各官咸知  
自愛共養黎元庶耿耿寸心少酬

高厚於萬一為此謹

奏

爾之存心朕所深悉諒必不忍辜負知遇但堅守此志  
終始不移方為純美

同日又

奏為循例冒懇仰祈

聖慈垂憐格外榮封事竊臣自愧庸愚涓埃未報焉敢  
越分妄求仰邀

曠典但臣伏查雍正元年十二月二十二日恭逢

恩詔內開一從前

恩詔後陞職加銜之職銜給與封典欽此臣於雍正元年八月初九日奉

差山西賑濟事竣回京復

命即於八月初十日仰沐

聖恩命臣署理山西布政使臣遵即於九月初十日抵晉任事與陞職加銜之員似不相符乃臣近閱邸鈔見有威寧總兵官石禮哈去年係二品今陞一品懇求一品

誥封已蒙

特恩賞給今臣幸沐

聖主隆恩簡補豫藩濫叨二品之職臣曾祖父母祖父

母父母從前恭逢

恩詔俱受過三品

誥封尚未因臣追贈上邀

盛典清夜環思殊深負疚倘蒙

皇上洪慈念臣景迫桑榆

格外垂憐并臣有加職二級

賞給一品

誥封得封三代則臣有生之年皆銜結之日矣理合繕摺

奏懇伏乞

聖鑒臣不勝悚惶待

命之至謹

奏

少遲時日俟汝更進一步再行奏請可也

雍正二年九月初三日河南布政使臣田文鏡謹  
奏為

聖恩之高厚無極微臣之圖報愈難謹陳下悃恭謝  
天恩事竊臣一介庸愚毫無知識仰沐

皇上知遇隆恩調補豫藩以來涓埃未報時切惴惴復  
荷

聖恩命臣署理河南巡撫印務似此

天高地厚之恩即竭盡血誠捐糜頂踵亦何能仰報

深仁於萬一但臣伏思巡撫一官責任綦重凡有關於

國計民生以及刑名錢穀暨通省應行興革事宜無  
要在順理應物亦不宜無事求事也

一不由巡撫斟酌主持稽查整飭非同布政使專

管錢糧即偶有疎忽之處尚有巡撫為之更正可  
以暫藏其拙臣自問才識短淺於藩司任內即竭  
蹶辦理猶恐不無舛錯何堪復邀

曠典兼此重任聞

命之下不覺憂懼悚惶莫知所措惟有盡臣之心竭臣之力秉公執法愈加勉勵以效犬馬報

主之誠而已所有微臣感激私忱合先繕摺恭

謝謹

奏

豫撫之任汝優為之但天下事過猶不及適中為貴朕不慮汝不及反恐報效心切或失之少過耳

同日又



奏為遵

旨據實覆奏仰祈

聖鑒事雍正二年八月二十四日臣齋摺家人回豫恭  
捧

皇上硃批諭旨到臣臣隨跪接拜誦敬謹遵奉所有臣  
前

奏被水地畝今據沿河州縣報稱高糧穀黍俱已收  
穫至如蕎麥黑豆之類雖稍有被淹但其中地有

高下目今黃水退淨之處現在布種秋麥其存有  
數寸積水一時不能涸盡之地再俟逾月水亦盡  
乾尚可種植春花勘不成災至於內有實在窮民  
臣隨檄飭各屬逐戶挨查如有應行賑濟之處臣  
自當恪遵

聖諭加意撫恤繕摺奏

聞斷不敢使被水百姓偶致失所上厯

聖懷然臣復有請者查開封府屬之祥符汜水原武封

邱中年等縣堤外地畝自黃水衝決堤岸以來業經數載不能種植士民苦於賠糧紛紛具呈懇請題豁雖據各該地方官造冊詳報臣現在委員履畝

極係應題之處俟查丈明白臣再密

下其手  
奏請

旨至臣前

奏河工免調州縣一摺欽奉

硃批諭旨仰見我

皇上睿慮周詳無微不至臣復再四籌畫今歲年登大有物料易得而農忙已過雇夫亦易莫如沿河十四州縣與河官分辦物料分築工程如遇桃伏秋汛以及萬一有事之時仍令州縣協力防護公同搶修而間時州縣亦得稍有餘暇經理民事庶河工與縣務兩不貽誤臣再與副總河臣嵇曾筠斟酌議妥會同入

河務民事兩不相妨此議甚是  
告理合繕摺覆

奏伏祈

聖鑒謹

奏

若有才守兼優堪任藩司之職為爾素所深知者密舉  
二三員來以備選擢朕從來用人不悉拘資格即或階  
級懸殊亦屬無妨

同日又

奏為據實奏明仰祈

聖鑒事竊查豫省駐防滿洲官兵康熙六十一年十月

至雍正元年四月終止應需粳米每石一兩八錢

粟米每石一兩七錢黑豆每石一兩五錢草每束

一分九釐雍正元年五月起至九月終止所需粳

米每石二兩四錢粟米每石一兩八錢黑豆每石

一兩五錢草每束二分以上各項價值於未奉定

議之先遵照時價再四駁核確估詳報

題請一面採辦按月支給今經撫臣石文焯兩次具題屢准部覆行令照依折中數目動給但駐防滿洲

官兵於從前每月初二日領餉之後米豆草束挨次支取刻難緩待已照時價辦買支發況折中定價於雍正元年七月終始行奉文除八月以後已經遵照定價折給官兵自行採買而七月以前久已按月支領今若遵照折中定價向各官兵倒追其如米糧養贍家口豆草餵養馬匹早已逐日用

訖若問之經手採買之人在行戶以料物而易價值既無浮冒更難追取臣自抵任以來確訪此項價值實因豫省屢歲歉收物價騰貴原任祥符縣知縣卞永祜任內原無短發亦無冒銷臣伏讀上諭如豐收之年價值低微少有餘剩於我官兵亦有裨益如歉收之年價值高昂督撫聲明具奏施恩等因欽此則似前項價銀適與

恩諭相符應否再



題請銷臣不敢冒昧具疏

洪恩出自

聖裁合先繕摺請

旨伏乞

聖鑒謹

奏

此項米豆草束因豫省近歲歉收價值過昂固屬實情  
但事處兩難若竟准銷恐開別省效尤之端向兵丁追

取又無此理朕意或於地方公項內設法完結庶幾善全倘力不能具疏題奏候朕再加斟酌

雍正二年九月二十四日署理河南巡撫印務布政使臣田文鏡謹

奏為恭謝

天恩仰祈

聖鑒事雍正二年九月十七日接准部咨內開封邑生童王遜等罷考一案欽奉

旨內事理移咨到豫臣隨拆閱拜誦欽惟我

皇上仁覆萬物德被羣生

重道崇儒四海振興文教開科廣額普天共慶風雲  
不期猶有封邱縣生童王遜等智類城狐狡同社  
鼠因河工雇夫捏稱知縣短發土方工價號召生  
童阻衆罷考經臣繕摺具

奏恭逢

亦非因汝奏而然揆度事之情理不得不如是耳  
皇上明竝日月無微不照

特命大臣來豫審理人人以為三尺不赦罪無可逭矣

乃又荷

皇上湯網開三舜刑警警百立誅首惡末減餘從聞

命之下臣即檄知各屬宣諭

皇仁廣布

聖德在豫省士民從前竟不知有

所以云民可使由之不可使知之蓋事前雖諄諄告諭

國法并不知有王遜等之狂悖及當正法之後咸云

不解事後則不言自喻矣行法果能公當久之人心自

王遜等罪惡滔天死有餘辜幸蒙

聖恩浩蕩餘從寬典踴躍歡呼盡皆革面革心不特臣

任茲土地方諸事可以竭力振興即薄海內外臣  
民亦無不輸誠向化共歌

聖德咸樂堯天於億萬斯年矣理合繕摺

奏謝伏乞

聖鑒謹

奏

賞罰原屬一理為治平之大綱絲毫不容稍偏也

同日又

奏為據實奏

聞仰祈

聖鑒事竊查豫省南北兩岸堤工連年潰決荷蒙我  
皇上保民若赤不惜百萬金錢

命大臣駐劄工所董司其事復添設河員并目協力堅  
修又

敕建金龍四大王廟

特頒扁額寶璠用光廟貌是以今歲河伯著靈自夏徂  
秋水勢安瀾堤岸平穩從此沿河數十郡永固金  
湯澤畔億萬民咸歌樂利皆我

皇上神謀睿算手畫平成之所致也但臣伏查南北兩  
岸加幫大堤所做工程僅足十分之三臣自接署  
撫篆後隨移咨副總河臣嵇曾筠并嚴飭印河各  
官趁此天氣溫和夫料易得之時多募人夫廣買  
物料協力堅築務於來歲伏汛之前將大工告竣

庶免貽誤第不知果如臣願否耶再查廟工現在興工修理的於歲內即可告成理合一併奏

聞仰祈

聖鑒謹

奏

督令極力趲修可也

同日又

奏為仰懇



聖恩格外垂憐以廣

皇仁事竊臣一介庸愚仰沐

聖主隆恩不啻天高地厚涓埃未報寢食靡寧惟是臣  
年已六十有三止有一女竝無子嗣且於本年六  
月偶染嗽血之證或半月一發或月餘一吐凡有  
機密

奏摺以及緊要事件既不能親自繕寫又不敢假手  
於人夙夜徬徨莫知所措伏思現任湖南長沙府

屬湘潭縣縣丞崔鐸係臣女壻於雍正元年十一月內奉文同兵科給事陳世倬押運採買米石船隻進京俱已交納蒙

皇上特賞銀兩以作盤費今便道由河南回任至臣署中崔鐸自幼小心謹慎可以相為倚依且微末之員於地方無足重輕倘蒙

聖恩逾格垂憐俯准掣回聽其在署侍臣左右以供書寫臣得有臂指之用則銜感

皇上隆恩永無紀極矣此臣孤苦之極思不揣冒昧

奏懇可否容臣

題請伏候

聖裁臣不勝悚惶兢惕之至謹

奏

已照所請諭部矣

同日又

奏為遵

旨據實密奏仰祈

聖鑒事竊臣欽奉

硃批諭旨若有才守兼優堪任藩司之職為爾素所深知者密舉二三員來以備選擢朕從來用人不悉拘資格即或階級懸殊亦屬無妨欽此臣跪誦之下自問何人仰邀

皇上委任責成一至於此不覺感激涕零悚惶無地矣臣才識短淺秉性孤介竭臣耳目所見所聞求其

才守有餘可舉以共勦

盛治者實難其人只有通政使司右通政王國棟由詞

其人

稍覺輕浮聰明外露朕不深取其

林出身雖未經外任然臣頗知其人小心謹慎學

學問

原好才亦可觀

問優長才具敏練而尤顧惜顏面凡踰閑敗檢之

事自不肯為又兵科給事管河道陳世倅諸凡失之太過其意欲實素

速成

者也藩司地歩尚早

昧平生自臣壻崔鏜來豫說及陳世倅同在湖廣

辦理

比一事足見有為實屬可嘉

採買米石沿途押運進京事皆親理一塵不染於

八月二十六日抵任後臣即留心細察見其才識

明敏操守果好又於接見時觀其舉動聽其言詞  
此等處亦不可遽信以為真  
其感激

聖恩亟思圖報之誠勃勃欲發以上二員據臣聞見所  
及似乎可用然果能終身自勉力圖報效與否臣  
實愚昧未敢遽必緣奉

聖諭垂詢臣不敢不據實密

奏仰祈

睿鑒謹

奏

再於所識之中細加思索如得入選者另摺奏聞倘意中有人而未能深信亦將情由備敘以聞

同日又

奏為據實奏明仰祈

聖鑒事竊臣前因豫省缺多員少奏請

皇上簡選賢員發豫候補仰沐

聖恩逾格俯准

特旨揀發候選道盧官保等十六員到豫臣隨量其才

乃庸常人猶屬質慤非朕所

嘉予而特用者

具酌其地方將候補知府屠洵委署彰德府事候

選知縣郭紹璞委署扶溝縣事毛伯鳳委署延津

縣事周璠委署唐縣事楊宏緒委署湯陰縣事李

鍾璠委署陳留縣事至開歸河道一缺臣先詳委

侯選道盧官保暫署

乃朕向日藩邸屬下之人係

再有缺出另議請補

今伊知州李尚德被叅員缺

一好

員朕可保之此謝勿令伊知

陳州知州林鴻暹已經乞休今准部咨為請照晉



省分轄等事內開裕州知州蔡維翰調補陳州磁  
州知州范時緒調補陝州應將現委暫署陳州事  
之候選知州袁頊調補裕州臣又查磁州一缺係  
衝繁要地必須能員方克勝任因將候選知州金  
上玉委署磁州事其現委暫署陝州事之候補知  
州黃大成掣回另補以同知銜調補許州知州祖  
承祚現在赴京引

見因委候選知州陳綬來暫署許州事外有太康輝縣

內鄉洧川四缺業經部選有人新令尚未到任臣  
已委候選知縣趙可大暫署太康縣事朱體謙暫  
署輝縣事萬瑄暫署內鄉縣事劉輝祚暫署洧川  
縣事均應俟新令到任之日再有缺出另請補授  
以上委署各員臣於九月十五日恭疏具

題訖又於九月十九日接准部咨內開奉

旨南汝道佟鎮知州管祥符縣事王士俊遊擊馬世龍  
三員准石文焯帶往浙江俟散賑事畢即令回豫等

盧官

保初任外吏尚欠諳練

因欽此臣隨將南汝道缺暫委候選道盧官保署

理祥符縣缺暫委奉

旨留豫補用之原任封邱縣知縣唐綏祖署理遊擊員缺暫委該營守備張孟儀署理仰祈

聖鑒再查通省府州縣各官內尚有應行叅革數員臣曾與撫臣石文焯說過據撫臣云

大計已屆為日無多若盡皆叅革恐將來

大典亦不成文且奉發各員內多初任容臣逐細試

此論甚是

看量才請補庶人才不致悞用而地方亦可收得人之效矣是否有當統祈

皇上訓示謹

奏

所奏各情節知道了

同日又

奏為欽奉

上諭事竊查豫省河北郡縣捐納加增一案前經撫臣

石文焯

奏請改捐銀兩荷蒙

皇上硃批嚴諭令臣同看臣隨經具摺

奏明仍應加捐穀石復據撫臣石文焯檄司查議加  
增臣查據開封懷慶彰德衛輝等府報稱穀價每  
石自四錢起至四錢四五分以及七八分不等又  
經撫臣石文焯

奏明每穀一石收公費銀二錢外鋪墊倉廩造冊紙

張飯食需銀五分計穀一石共需銀七錢上下今  
議俊秀捐監一名加增穀二十石連前共捐穀一  
百五十石約計需銀一百餘兩其餘捐貢等款按  
照原定捐款穀數核算加捐似屬平允臣已繕疏  
具

題誠恐前議每穀一百石加增三十石今議每名加  
捐穀二十石或致部駁臣復再三籌畫若議增太  
多不免人皆裹足有誤捐案況再增穀二十石按

之價值與部例每監生一名收捐一百零八兩之  
數相去不遠合將議加情形併穀價銀數繕摺奏  
聞謹

奏

所議是知道了

雍正二年十一月初三日署理河南巡撫印務布  
政使臣田文鏡謹

奏為欽奉

上諭事雍正二年十月初三日准戶部咨文內開欽奉  
上諭諭河南署巡撫田文鏡爾可速動司庫銀兩買米  
四萬石選委廉幹賢員陸續運交蘇州巡撫平糶所  
糶之銀仍移還補庫其米應於何處交卸爾即咨會  
蘇州巡撫酌議速行毋得怠緩遲悞等因欽此轉奉  
到臣臣跪誦之下仰見

皇上饑溺為懷軫念江省沿海災黎之至意臣遵即檄  
動司庫錢糧竭力辦運外但查江南民人素食大



米并有未經見過小米之人而豫省各屬止有光  
州固始光山息縣四處產有大米然每年所出亦  
甚有限現據各屬報稱米價每石一兩一二錢不  
等其餘各府州縣止產小米若購買大米運送江  
南不特徒稽時日抑且有誤賑濟如竟行採買小  
米運交又恐該處民人食用不慣或致阻滯殊屬  
無益臣再三籌畫素知江南百姓亦常食麴食每  
遇山東豫省商販小麥到彼民爭買食今查河南

小麥每石價銀八錢上下不等連腳價每石計銀一兩內外可到目下江南麥價約畧每石非一兩二三錢不可若減價平糴於饑民大有裨益而

國帑亦可早歸清項除一面動發司庫銀兩遴選廉幹賢員前往光州所屬照依民價儘數採買大米運送仍一面委員分往開封等處隣近水次產麥豐收之各該地方照依民價採買麥石雇船陸續起運外臣因時屆寒冬河水將凍若待

此舉好應如是迅速辦理  
奏請奉行恐致遲誤艱於水運現在一面辦理的於

半月內陸續可以運送但應否如此料理仰祈

睿鑒指示如有錯謬之處以便臣急為更易理合繕摺  
請

旨謹

奏

足見實心任事可嘉之至但聞瀕江北岸人民亦慣食  
小米即江南以至浙江若遇歉年亦用粟米攪和作糜

云云然朕之所聞猶恐未確爾既有真知灼見徑行委  
員料理殊屬權變合宜

雍正二年十月十二日署理河南巡撫印務布政  
使臣田文鏡謹

奏為恭報雨澤事竊查豫省自入中秋以後民間即  
布種秋麥以備來歲之用目今麥苗已長望雨頗  
殷茲據開封等八府七州所屬俱各報稱於九月  
二十九至十月初二等日天降雨雪四野霑足以

及三四五六寸不等民情歡悅此皆我

皇上敬

天勤民之所致臣謬任封疆目覩輿情曷勝欣忭所有闔  
省得雨分寸日期理合繕摺奏

聞以慰

聖懷謹

奏

覽雨雪情形朕甚慰悅爾緣報效心切未免急於求成

以故屬員百姓頗露怨聲竟有見小巧取之訾議前因革除各項陋弊致被通省銜恨曾經詳細奏明於朕此無足怪者雖然身操統率之柄果能一秉至公施措平均官民斷無不感畏之理今乃至於怨望必有偏枯不當處深自省察究明端緒務須相機合宜寬嚴共濟徐徐循序辦理毋貽迫切之譏

同日又

奏為遵

旨覆奏事竊查豫省折給駐防滿洲官兵米豆草束一案照依時價採買支放在先奉文折中定價在後經臣具摺

奏請仰蒙

硃批諭旨周詳指示臣遵即逐項細查有康熙五十九年截留漕米十萬石前署糧道吳柯前任糧道戴錦因年歲歉收米價騰貴額價銀六萬五千兩不敷採買未經買貯經前任撫臣楊宗義於奏銷冊

內捏造貯存河南府倉嗣經撫臣石文焯查明將  
不敷價值

奏請著落楊宗義賠銀十四萬七百三十九兩交糧  
道貯庫今歲撫臣石文焯飭行糧道照一米二穀  
動用原額銀六萬五千兩又動楊宗義交存道庫  
銀四萬七千六百八十兩零買穀二十萬石存貯  
河南府屬州縣又武陟濟源新鄉汜水各縣虧空  
共銀一萬五千七百一十兩零因楊宗義未經叅



出將此項銀內動用撥補又撫臣石文焯

奏明著落楊宗義買補偃師等縣民借康熙四十三年漕穀銀一萬二千餘兩前任布政使牟欽元傾寶折色銀二百四十六兩零以上除各項動用外尚餘銀六萬四千八百餘兩現存道庫據撫臣石文焯單開楊宗義情願歸公今可否將此項餘剩存貯銀兩撥還折中米豆草束價值銀二萬一千七百三十九兩零餘銀四萬三千九十餘兩俟有

公用或楊宗義任內尚有未清之項臣再

奏明動撥一轉移間而

國帑可以無虧矣為此繕摺具

奏伏祈

皇上睿鑒施行謹

奏

此事可行至云楊宗義或尚有未清之項其權操縱在爾何也爾為伊之後任一切款宗無不經手檢覈如肯

令伊清結無累則即清矣若不令其脫然事外自必不清矣

雍正二年十月二十六日署理河南巡撫印務布政使臣田文鏡謹

奏為恭謝

天恩仰祈

聖鑒事竊臣前因年逾六旬竝無子嗣凡有

奏摺既不能親自繕寫又不敢假手於人孤苦無依

再三籌畫因思臣壻現任湖南湘潭縣縣丞崔鏞  
小心謹慎足供書寫冒昧繕摺

奏懇

賞給來署荷蒙

聖恩格外垂憐俯允所請臣捧接

硃批跪誦之下不勝感激涕零莫知所報惟有恪遵

聖訓竭盡血誠絲毫不敢苟且偷安以仰答

皇上天高地厚之恩於萬一耳所有微臣感激私忱理

合繕摺

奏謝伏乞

睿鑒謹

奏

極當勉勵職守檢點政務近日輿論甚屬平常爾乃朕獨加賞識之人必須克稱知遇方不貽羞於世也

同日又

奏為恭謝

天恩仰祈

聖鑒事竊臣前於雍正二年十月初三日接准部咨欽  
奉

上諭敕臣速動司庫銀兩買米四萬石陸續運交蘇州  
巡撫平糶毋得怠緩遲誤等因欽此臣因豫省所產  
大米無多且素知江南百姓亦常食麪食隨一面  
料理買運麥石一面繕摺具

奏茲奉

殊批諭旨足見實心任事可嘉之至臣跪誦之下莫知  
所報伏思應買米石今運小麥仰沐  
聖慈不加譴責已屬萬幸何期復蒙

恩旨格外獎許似此

高厚之恩即竭盡血誠總不足圖報於萬一也臣查所  
買小麥三萬五千石大米五千石已於十月十三  
四五等日裝載起運陸續交署蘇州撫臣何天培  
兌收平糶臣又查江北民人誠如

聖諭多食小米合併覆

奏除米麥船隻開行日期容臣恭疏具

題外所有微臣感激私忱理合繕摺

奏謝謹

奏

米麥起運日期知道了亦母因一事而遂諸事放膽擅  
為必似此得理之舉方可如是果決也

同日又



奏為據實奏

聞仰祈

睿鑒事竊臣於雍正二年閏四月二十五日據撫臣石文焯傳臣至署捧出

皇上硃批諭旨暨條奏內所陳豫省塘汛一事臣遵於閏四月二十八日具摺

奏請俟秋收農隙將沿途窩鋪添蓋房屋令所在汛兵攜眷居住朝夕守看復蒙

聖諭塘房一項最要留心東省舉行此事遂致擾累百姓欽此臣遵於本年八月十一日動撥耗羨銀三千兩詳委南汝道佟鎮將沿途大路估修每鋪蓋房七間馬棚一間臣復再三諄囑令其到處切不可給銀州縣以致擾累只傳集匠役照依民價絲毫不得短少給發現銀聽其自行買料雇夫去後茲據南汝道佟鎮於十月十六日移送清冊到臣內開除舊有營房修葺整理外共新添過墩房八百

零三間馬棚一百三十九間按照民間蓋造房屋  
價值給發承攬夫匠共用過銀二千七百四兩零  
俱各添蓋整齊臣隨細加密訪竝無絲毫短少并  
稍有累民之處現在移咨各鎮照數撥兵令其攜  
帶家口星赴各汛居住晝夜防範共保無虞所有  
添蓋過墩房暨動用銀兩數目理合繕摺奏

聞謹

奏

如是毫不累民辦理甚好知道了

雍正二年十一月初九日署理河南巡撫印務布政使臣田文鏡謹

奏為據實陳明仰祈

聖恩鑒宥事竊查康熙六十一年十月起至雍正元年七月所有折給支放滿洲官兵米豆草束一案欽奉

硃批諭旨飭臣設法完結臣隨請將前任撫臣楊宗義

買穀餘剩銀內動撥補項繕摺具

奏茲蒙

聖諭此事可行至楊宗義或尚有未清之項其權操縱在爾何也爾為其後任一切款宗無不經手檢覈如

肯令伊清結無累則即清矣若不令伊脫然事外自  
此朕偶爾戲言何得誤認為正論遂乃妄生疑畏耶可  
必不清矣欽此臣跪誦之下不特慚悚戰慄寢食俱  
謂大笑談矣

廢抑且步履驚惶神魂恍惚矣伏念臣材庸質陋

謬荷

聖恩畀以重任夙夜兢兢惕惟恐寸心稍有偏徇上負

皇上知遇隆恩所以任事以來毋論大小諸務無不矢

公矢慎兢兢辦理至於事關

國帑即絲毫亦不敢擅自操縱致有出入臣前

奏楊宗義任內尚有未清之項蓋因撫臣石文焯曾

經摺

奏著落楊宗義賠補衛輝府叅革知府吳柯等十案  
虧空銀米穀石共銀五萬兩臣細查各案錢糧以

及漕米倉穀遵照

題定部價併照依時值據實確估約需銀五萬八千四百餘兩則是不敷之八千四百餘兩似應將楊宗義買穀餘剩銀內另摺

奏請撥補還項臣竝不敢額外稍有搜求之意總之臣受

恩優渥捐糜莫報惟望倉庫錢糧盡皆充足絲毫不致短少以副

聖懷其如臣才識粗疎遂致轉移失術返躬自問罪何可這仰祈

皇上宏開天地之恩格外優容諄切

訓誨俾臣得以安心辦事少盡犬馬報

主之誠則感激

洪慈矢之生生世世矣至前項銀兩臣惟有恪遵

諭旨另為設法可否在於雍正元年耗羨銀內撥還折

中米豆草束價值銀二萬一千七百三十兩零歸



還正項其楊宗義買穀餘銀六萬四千八百餘兩  
照舊收存道庫以供別用但應否如此料理臣不  
敢擅便伏候

皇上睿鑒施行謹

奏

前諭不過謂督撫輩之高下其手處難掩照鑒令爾知  
朕之洞悉耳非以所奏為謬也米豆草束一事仍照前  
議料理為是若楊宗義更有未清款宗在六萬兩以內

者除將買穀餘銀代伊彌補完項猶或不敷再以元年耗羨抵還未為不可

大凡臨事最忌猶豫尤不宜迎合設一味揣摩遷就反致乖迤本意如奏內恪遵諭旨另為設法云云等語若然將朕前摺所批此事可行四字置於何地於斯一事爾大悞矣今後勿更如是游移無定隨時變轉始與身任封疆重寄臨大節而不可奪之義相符也切記毋忘

同日又

奏為據實覆奏仰祈

聖鑒事雍正二年十月二十八日臣齎摺家人回豫恭  
捧

皇上硃批諭旨到署臣跪誦之下不勝感激涕零惶悚  
戰慄伏思臣蒙

皇上委任之恩至深至厚臣雖愚昧敢不恪遵

聖諭徐徐循序辦理祇緣豫省各官因循玩愒相習成  
風一切奉行事件不論限期遲速任催罔應每至

逾限尚多未結臣只得設法嚴催令其依限完結  
如有遲誤即照例揭叅此足以取怨於官者一也  
又各屬地丁錢糧藩司從不嚴催遇有撥解京協  
各餉限期迫急即向各屬輾轉設法甚至將道庫  
錢糧混那湊數再每當

奏銷之時上下恐干處分只得預出空批令各屬漸  
次解銀彌補臣思正雜錢糧均關

國帑豈可任其遲延那掩因嚴飭各州縣立限徵解

毋許似前那移影射此足以取怨於官并取怨於民者二也又各屬存倉穀石上司從不委員盤查任聽屬員私自糶賣虧空無存或擅自出借里民希邀名譽實取利息及至每年秋收完者聽其自完不完者即押換領紙臣查據各州縣竟有二十餘年以前出借之穀換具本年領狀相沿交代出結者夫各屬倉項原係

國家未雨綢繆為歉收之年備賑而設豈可有名無

實上下朦混臣自到任後只許照例存七糶三若有違例擅借之州縣即著落該員自行買補至於積年民欠亦檄飭各屬設法勸徵毋得似前私換領狀捏報貯存此足以取怨於官民者三也又各州縣從前舊例無論大小公事以及餽送上司食用等物槩行私派累民臣伏思

皇上愛養黎元如同保赤凡屬臣工自應仰體況近今上司各衙門不特節禮陋規革除殆盡即門包使

費亦嚴行禁絕并將各州縣私派病民之事分析  
出示曉諭如有不肖有司以及姦胥猾吏照前私  
派許百姓據實控告臣復不時密訪有犯必懲因  
而各屬頗知畏懼不敢苛派然臣思各屬均有親  
友在京做官或向各州縣借貸或往來通問無不  
訴說清苦借此推却此各官怨望之說更所不免  
至如道及臣見小巧取之論又不得不為我

皇上直陳者夫布政一官係通省錢穀總匯一應錢糧

出入絲毫難容舛錯臣查豫省往年凡有公事并起解顏料濶布等項鋪墊解費向來派之州縣州縣復派之里下因而以少作多任意侵蝕承辦之員亦見此項銀兩竝非州縣各官己資不免從中需索臣自到任後將各項應給公費槩從司庫於耗羨銀內酌量支給不致賠累亦無贏餘若有可以節省之處即為節省仍將節省銀兩釐毫絲忽亦必詳明撫臣或照舊還項或為別項公用在屬



員未悉原委必疑為扣存入已此見小巧取之論  
所由起也但臣自屢蒙

皇上訓示之後應用威者即加之以威應用恩者亦未  
嘗不予之以恩如民間火耗從前竟有徵收加一  
八九及加二之州縣臣隨密諭各府將所屬火耗  
逐一確查開送斟酌裁減通發告示曉諭士民毋  
許劣員私置重斂暗加火耗如有前項情弊即許  
納戶控告且將一切私派病民之事嚴飭屬員盡

皆革除至如勢豪土棍臣亦密訪款蹟分別

恩赦前後無不量加懲治是恩威並用之於民者如此

若夫州縣各官臣在山右將雜稅銀兩亦盡查出

歸公茲因豫省各官養廉不如晉省之多臣隨將

此項銀兩除起解正額外些須餘銀一聽各屬收

用臣又查據各州縣拆解錢糧碎封歸併平餘大

州縣每年約有一千餘兩中小州縣亦有數百餘

金已於七月內亦盡歸州縣並不提解至於佐雜

等官臣凡遇公事差遣皆量給盤費從不苦累而  
查核賢否催徵錢糧以及督催事件係臣專職不  
敢姑容但內有勤敏廉潔者即寫字獎勵怠玩愚  
昧者亦無不教導申飭是恩威之並用於官者如  
此再臣仰蒙

皇上隆恩給以養廉衣服食用已自克然有餘無論銀  
錢絲毫不肯染指即署內勺水亦係

恩賞養廉銀兩買用至各屬餽送即菜果土物之類亦

一介不取總之臣愚昧無知甫經抵任即欲使大小各官盡皆廉潔通省倉庫毫無虧空因而不避嫌怨秉公執法遂致急於求成多有未當罪何可這然豫省自積玩之後若不急為整頓一洗舊習不免更致貽誤今蒙

聖恩不加嚴譴周詳訓誨臣惟有恪遵

諭旨寬嚴共濟循序辦理以副

聖懷臣謹繕摺據實覆

奏伏祈

聖鑒謹

奏

前摺所批諭旨欲令爾知朕心似明鏡之不可掩純鋼之不可撓更加一番勉勵敬慎而已如果自信無他則竟坦懷釋慮雖責育之勇必不為所撼動即鬼蜮之巧斷不為其蠱惑倘果有纖瑕微玷可以指摘縱令籲

天禱地亦恐莫爾救也勉為之將朕知遇深恩時時忖度

務思全朕用人顏面為要

同日又

奏為據實奏明仰祈

聖鑒事竊查豫省府州縣各官內有庸劣不堪之員雖經陸續叅革但其中查有南陽府知府何煜為人過於柔懦諸事闡茸臣再三教導怙終不悛伏思知府一官有表率屬員之責若似此怠玩貽誤匪淺至於州縣等官內亦尚有老邁昏憤才力不及

并下愚不移是非顛倒之員佐貳雜職等官內亦有年老病廢庸劣生事應行咨革者臣曾與撫臣石文焯說過據撫臣云因

大計在邇姑留以待叅革臣已將情由繕摺具奏茲臣接准部咨豫省今歲大計奉

旨停止欽此臣伏查前項劣員均足貽誤地方難以姑容今應否即將庸劣各官據實

題叅抑或俟明春開印後叅革臣未敢擅便理合繕

摺請

旨謹

奏

候朕命下實授汝撫任時再行奏請

同日又

奏為遵

旨據實覆奏仰祈

聖鑒事竊查豫省黃河南北兩岸堤工設有堡夫九百



七十四名住宿沿河大堤堡房晝夜看守誠不可  
一日乏人嗣因連年黃水泛漲堤工在在危險額  
設人夫不敷驅使復蒙

皇上軫念河工關係民生休戚特調江南河兵一千名  
協力防護所以今年秋汛水勢倍常堤岸堅固則  
是河兵之設原以濟堡夫之不足未便因設兵而  
遽可以裁夫也臣前因河臣齊蘇勒請增豫省河  
員等事原

題內有過秋汛裁汰堡夫之語曾於八月內向撫臣  
石文焯副總河臣嵇曾筠說過後兵科給事中管  
河道陳世倅到任復與陳世倅說知應將堡夫仍  
留工所倘遵照部議一旦裁汰不免防守乏人或  
致貽誤關係匪輕今據陳世倅繕摺

奏請停裁仰蒙

皇上硃批諭旨著臣具題欽此轉傳到臣臣查堡夫一  
項皆係永遠土著水勢緩急堤岸情形無不深知

熟悉且搜尋獾洞鼠穴狼窩蟄陷尤其所長即或  
猝有險要搬運泥土竭力填塞非堡夫不能勝任  
至於新設河兵雖鑲填釘椿捲埽下埽固所熟諳  
然而風防雨守寒暑無間晝夜巡視不辭勞苦者  
總不如堡夫之足供驅策也況今加幫大堤工程  
綿長千有餘里又係新築之工正須兵夫兼用協  
力防禦方有實效所有原設堡夫斷難議裁除將  
應停裁汰堡夫情由容臣咨商河臣到日具

題外合先繕摺奏

聞謹

奏

覽停裁堡夫情由知道了據稱堡夫如是堪供驅策裨  
益河堤從前為何不一奏聞耶

雍正二年十一月二十日署理河南巡撫印務布  
政使臣田文鏡謹

奏為據實陳明以慰

聖懷事雍正二年十一月十二日臣齎摺家人回豫臣

跪誦

硃批諭旨極當勉勵職守檢點政務近日輿論甚屬平常爾乃朕獨加賞識之人必須克稱知遇方不貽羞於世也欽此又於十七日學臣王國棟至臣署轉傳上諭田文鏡竝無一人保舉係朕特加擢用者令伊著實勉力做好官莫辱朕之顏面不知伊作何施措致使官民胥怨於其奏摺內亦難以詳悉批諭爾到彼

傳旨命伊加意省察若有不當處速行遷改等因欽  
此臣敬聽之下不勝感激涕零惶悚無地伏念臣  
本庸材至微極陋自雍正元年正月仰蒙  
皇上特達之知奉

差秦蜀

命賑山右隨署晉藩調補中州稠疊

隆恩千古未有臣身沐

高厚無可圖報早將此心立定即至生生世世亦斷不

敢稍有變易且荷

皇上面諭即相與朋友尚為知己者死何況

君臣之義自古為昭臣雖愚昧豈無肺腑故自山右抵任至今感激

天恩時切焚頂謹守清慎勤三字終始不渝至凡有關吏治民生之事即瞬息寤寐亦不敢苟且偷安上負

洪慈此報效心切恐致太過早已仰蒙

聖鑒但豫省自積玩之後政多廢弛若不急為整頓竟有不可問者夫人情難於圖始可與樂成今當更變之初未有不以為難而苦之然思

皇上之所以用臣者正欲使臣整理地方竝非欲臣因循舊習也臣所以不辭勞苦不避嫌怨一切秉公夙夜經理應行者立即舉行應革者亦立即革除內有可以暫緩者即遵

聖訓徐徐辦理不敢過急即如河工一事臣於接署撫



篆後據管河道陳世倬向臣說及加幫堤工自去年以至今秋九月有完至三二分者有完至一分者竟有全未開工者臣思河工關係緊要若舍此農隙料物易得人夫易募之候不作速興築一至桃汛農忙便難經理隨不避越俎之嫌一面移咨河臣轉行嚴催一面檄飭印河各官令其協力分段趲築并動發司庫錢糧隨時接濟於是人夫湊集竝不派用民夫迄今兩月有餘現據各屬陸續

申報已完過半即全未開工者亦盡皆開工年內  
雖不能照數全完明春桃汛前即可告竣臣自知  
即此一事亦係取怨之道其如

國計民生攸係豈敢視為非臣專司若夫

欽部案件均有一定之限催徵錢糧例有一定之期而  
查核倉庫訪察賢否與夫興利除弊愛養百姓之  
事何一不關緊要倘或驚虛名邀衆譽瞻顧因循  
偷安玩愒有一於此即非臣之所以報

皇上而

皇上之所以委任夫臣者也至於見小巧取當此不避  
嫌怨之時十手十目共指共視稍有絲毫必將傳  
聞確據張大其詞臣雖下愚必不為此況臣賦性  
孤介竝不知相與交接茫茫四海實無知己惟仰  
賴

皇上知臣幸有今日設欲學為鄉愿苟且和同臣非惟  
不敢亦所不忍臣亦逆知臣之苦心未必即能共

諒且必有從而騰謗者故臣前

奏摺內有非仰沐

皇上知臣之深信臣之切臣未不自危之

奏當蒙

聖諭果能任怨任過真實為國家竭力報效何危之有  
欽此臣所以鞠躬盡瘁愈加奮勉雖任怨任過刀  
鋸在前而有所不避者也總之臣受

皇上隆恩至深至渥於無可報效之中亟思圖報每接

見各屬諄諄告誡令其共體

聖懷務須廉潔自愛惠養斯民幸今豫省各屬見臣自始至終竝無虛假賢者知感不肖者知懼至於地方百姓諸弊盡革追呼不擾似乎稍有起色民亦知感矣而憾者復有官民胥怨并甚屬平常之論然臣自問才具庸劣即平常二字實不敢居豈敢自陳如許好處妄希格外

寵榮只緣臣係

皇上獨加賞識之人今不能施措妥當以慰

聖懷臣罪已不容誅乃荷

聖主隆恩不加罪譴反憐臣恤臣委曲

教導并

諭及有關

皇上天顏則

九重宵旰不知上厪幾許

天心聞

命之下非惟手足莫措抑且神魂悚慄矣不得不將犬  
馬私忱斷無改易暨臣居官辦事之處連篇累牘  
據實直

奏庶幾少慰

此奏覽畢即付廷臣共閱矣

聖懷而臣罪亦得藉此以少減耳再候選道員盧官保  
若稍有不及之處臣即繕摺叅

奏不敢姑容以上各項臣一字一淚據實覆

奏伏乞

皇上睿鑒謹

奏

盧官保稍有不及處即行叅劾非朕意也或愚不曉事  
自以為昔日王府受知之人妄肆大言於汝則何容姑  
寬察無放縱不安分舉動猶可規訓造就汝加以教導  
而委用之伊之身家頗裕操守一節諒猶可取如肯聽  
從指示勉力奉職自不應叅倘露恃勢凌傲形迹亦須  
預先具摺奏明然後再列彈章



同日又

奏為遵

旨據實覆奏仰祈

聖鑒事雍正二年十一月十七日又據學臣王國棟轉  
傳

上諭聞得唐縣知縣關澂官聲頗不為劣前被揭叅人  
皆為之抱屈如係一時錯誤君臣之間不妨直剖胸  
臆倘仍執迷粉飾即關澂亦豈肯嘿然甘休據實奏

來候朕裁度以便復還其職等因欽此仰見  
皇上愛惜人才慎重黜陟之至意臣敢不恪遵

聖諭據實直

奏伏查臣到任後詳明撫臣石文焯調委盤查各屬  
倉庫於本年七月初十日蒙撫臣批據護理汝寧  
府信陽州知州李廷基詳稱奉檄委查南陽府屬  
唐縣倉庫該縣關令因有官隱墾地五百七十餘  
頃未經造報不敢將地畝完欠底冊送查隨用印

信手本并印封銀三百兩令其友鄭之傑來寓密  
送求免槩不清查除將用印銀兩手本申送布政  
司貯庫外不得不將該令行賄情由通詳核奪等  
情蒙撫臣批布政司確查詳報臣隨行南陽府會  
同汝寧府確查詳報去後嗣據南陽府知府何煜  
詳揭到臣因關令用印手本鑿鑿可據印封銀  
兩現今貯庫若不轉行揭叅非惟不足以服通省  
各屬之心而臣即自蹈徇庇劣員之愆矣臣蒙

皇上委任深恩如此賄贓確據現奉撫臣批查該府詳  
揭臣敢不據實轉揭今聞學臣轉傳

聖諭臣誠恐一時愚昧誤行揭報有如

聖慮因將原揭底卷始末原委逐細查明竝不敢膠執  
己見粉飾怙過自干罪譴理合據實覆

奏伏乞

聖鑒謹

奏

覽奏此案根由炳據爾之心迹已明殊屬可嘉隨發廷臣共閱矣

同日又

奏為請

旨事竊查豫省各官仰蒙

皇上隆恩俯念耗羨歸公

特賜養廉銀兩以資薪水此誠千古未有之

曠典也茲於本年十一月十一日接到撫臣石文焯來

字內開除從前養廉按月支領外將九月以來未  
經支領養廉銀兩照

奏過數目給發統於明歲奏銷彙核奏

聞等語但臣伏查石文焯係奉

特旨署理浙撫之員非奉別項

欽差可比應否照舊支給抑或不必再給留克公用事

不必再給留克公用可也  
關帑項臣不敢擅便

殊恩出自

聖裁再查巡撫衙門有健丁五十名每名每月支領  
餉銀九錢七分小月支領餉銀九錢三分每名每  
月支領米三斗凡遇撫臣陞遷事故離任之日即  
行住支撫臣石文焯係署理浙撫與前項離任不  
同茲據中軍遊擊將九十兩月銀米照常繳送臣  
思浙撫任內應自有健丁銀米臣係署事之員竝  
無健丁且蒙

皇上隆恩賞給養廉已自用之不盡隨將銀兩暫行貯

庫今應否住支歸入正項抑或收貯司庫留為公用理合一併奏

聞仰祈

聖鑒謹

奏

母於類斯瑣屑處希朕見賞亦無庸矯廉銜異但躬行實踐循分盡職朕自有照鑒膺封疆重任切戒器量狹小




諭田文鏡知悉今在廷諸王大臣中實心為國家愛惜  
人材者惟怡親王朕信其純汝傾慕王之公忠德望昨  
差人達意未為不是但此際命王代汝轉奏事件斷然  
不可何也汝與諾岷為舉朝所怨衆議沸騰論奏者指  
不勝屈而年羹堯殆有甚焉朕乾剛獨斷悉置之不聞  
茲若因汝秉心與王相契俾得時通音問內外合一共  
勦政治則輿論必指以為借勢私交不但汝與王負謗  
無益亦於朕用人大體攸關所以諭令拒而不納也汝

當感此曲全備恤之恩愈勉公清和恕下以杜衆口上以全朕面俟汝根基立定官聲表著之時然後降旨命王照應於汝則嫌疑無自而生矣更加切諭者假若因此放膽以為有朕可恃復何懼之有遂乃縱情肆志出入繩墨致被指摘其他姑置不論試思朕將何顏以對隆科多年羹堯暨在廷諸臣一愧之後汝猶克當否耶勉之慎之

諸凡務敦大體不宜瑣細苛刻為最要戒之

開歸道沈廷正原係藩邸舊人朕所深知者才品俱優  
但慮其過於聰明心行未純尚在可以為善可以為惡  
之間聞伊未到豫省即先蓄成見欲與汝作梗試思朕  
豈有命一屬員前來鈐束上司使掣肘於汝之理伊若  
露有不肯盡心協助實力承辦反倚勢借端妄作威福  
賣汝以取媚於他人形景嚴加叅劾候朕重懲決不姑  
寬之也汝接到此諭旨時可與伊共觀之

殊批諭旨卷一百二十六之二



總校官庶吉士臣侍朝

校對官編修臣朱攸

謄錄監生臣魏綿曾